

# 玄羽集

## 一、七言律詩

### 好友輕生，哭之於喪禮

啼鳥枝頭不忍聽，人來助葬盡年輕。  
低眉心下渾陰翳，仰首空中竟大晴。  
前歲招余隨舊雨，今朝勸汝入新塋。  
斯遊未極君先去，知否燭光猶可明？

首句借鄰韻。

### 讀袁子才詩集有悟

翻書賞句得新情，異景吟懷掬滿盈。  
妙悟因將詩品續，拘牽故與德潛爭。  
落花刪卻愁由造，殘雪歸來熱轉清。  
雕飾絕非天本有，賦隨吾性是真聲。

袁枚年輕時以〈落花〉詩作成名，後來覺得那些詩作的性情不真，所以晚年打算刪去那些詩篇，後來作〈殘雪〉組詩，表達他對熱衷仕途的厭倦。〈殘雪〉詩作成不久就辭官歸隱了。他論詩以性靈為主，因為覺得格調派太過拘執，所以常與沈德潛爭辯。

### 課女欲說古事卻罷

才堪詠雪向誰吟，夕則撒鹽朝整衾。  
蔡琰別兒歸故國，袁枚祭妹慟貞心。  
返鄉徒見親亡久，守節卻遺兄恨深。  
對古長嘆因掩卷，不談前事只談今。

### 浴兒後作

羨他沂水戲清波，方寸之間自在歌。  
皓皓望兒因計遠，殷殷為母故言多。  
振衣休使煙塵附，浴德免遭師長訶。  
願子御龍長耀祖，不辭辛苦效羲和。

## 二、五言律詩

### 乘涼戲作

併坐持新句，語輕隨晚風。  
解頤心自蕩，頷首意時同。  
見月浮杯上，邀君入室中。  
胭脂須洗盡，小飲已添紅。

### 鄰家老婦遇金光黨，怒而賦此以贈之。

#### 語求淺近，務使可解

費心常設阱，失德每張羅。  
名號金光黨，形同白面魔。  
天將譴毛賊，神亦助阿婆。  
作俑其無後，惡徒當若何？

1.第五句單拗。

2.阿婆收到詩以後，很開心地說她知道「始作俑者」這句成語。

## 三、七言絕句

### 捕蚊

蟲小居然不畏薰？嗡嗡聲鬧幸先聞。  
開燈唯恐驚兒睡，暗夜惺忪覓黑蚊。

### 投票日未返設籍地選市長，旁觀兒女遊戲，忽有悟而作

電視終朝恣意評，稚兒偏信察其行。  
人因言舉將誰主？惜我歸家一票輕。

臺北市長投票當天，我在家裡陪小孩，看著七歲的女兒和六歲的兒子在玩恐龍家家酒遊戲。偶然聽到兒子說：「暴龍以前那麼壞，妳怎麼知道牠變好了呢？」女兒說：「看牠的行為就知道了啊！」

### 食生魚片有感

豈獨鱸魚堪作膾？感心滋味是家常。  
兒今嫁作他人婦，昔日佳餚何日嚐？

### 教學偶感

日月隨波去不留，因何任性誤春秋？  
彈成千曲全無用，始信前人喻放牛。

## 四、五言絕句

### 哀日本大地震

仰天悲大禍，俛首喟高樓。  
土掩扶桑木，何時見日頭？

### 將寫碩士論文前作

對河花似錦，慮此見非真。  
欲往尋分曉，遣誰先問津？

## 五、古體詩

### 路見飊車少年有感

黥面刑者辱，紋背安足雄？  
岳母賢如斯，緣何刺精忠？  
應是建康後，人盡辱於戎。  
國恥未可忘，誨兒立大功。  
髮膚親所授，固須保厥終。  
但爲討賊故，舍身以奉公。  
若作表象觀，豈得先賢衷？  
今有飊車族，恣意駕如風。  
既使父惶惶，復令母忡忡。  
周身作畫布，彩鳳與雕龍。  
致貽先祖羞，即此便大凶。  
誠勇超生死，何不躡前蹤？

### 婦好

殷王有妻曰婦好，仗鉞戴盔領雄兵。  
素手一揮皓齒開，應諾誰敢不齊聲？  
先伐土方後巴國，彝羌聞風亦心驚。  
甲骨班班刻功勳，史冊居然未揚名！  
向來母賢因子貴，便有奇才安得榮？  
家中作主惟丈夫，管他智短或德輕。  
子與女，爲爾生；  
勢與權，莫相爭。  
豈謂心下無遠志，  
可憐世間女子多痴情。

## 六、詞

### 祝英臺近 詠史

日初晴，雲已散，山色寫江景。一鳥  
飛來，劃破眼前靜。當年比翼連枝，  
而今安在？世偏戀、浮光虛影。  
樂昌鏡，陳亡方得重圓，卻將敵恩領。  
難捨難分，歎後主深井。紅顏禍國非  
真，溺情方是，萬古恨、水清風冷。